

Berita Bahá'í SARAWAK

O Anak Mensia!

Kemesaika pengawa Aku awakka Aku madah ngagai nuan penyelai
Pemesai Aku lalu manchar ngagai nuan penerang ti meruan.

Bahá'u'lláh

1st August 2009 Month of Kamal/Pemetul Issue no. 4 BE 166

Pesan ari Raban Gelumu Sambiang Bahá'í Ka Sarawak

Bala pangan ti dikerindu,

Allah'U' Abha,

Raban Gelumu Sambiang Bahá'í Ka Sarawak ngirum ka pesan pengerindu enggau pengaga ati lebu kami macha ripot ti di terima laban kami nemu pemendar kita gawa ngulih ka juluk ati. Kami mega selalu nganti berita pemenang bala di seluruh menua Sarawak.


Bedau lama ti udah Counsellor George Soraya bisi datai lalu betemu enggau Raban Gelumu Bahá'í Ka Sambiang Sarawak lalu bekunsi enggau kami berita pemansang Pengarap ba sekeda menua di dunya. Bisi 1071 iti klaster udah ngelanchar ka program pemansang dedat. Rumah Pengelurus bisi meri juluk ati ti minta 1500 klaster ngelanchar ka program pemansang dedat nyentukka ba pengujung Lumpar Pengawa Lima Tahun. Menua kitai Sarawak udah netapka deka meri 18 iti ngagai juluk ati tu. Datai kediatu 14 iti klaster udah ngelanchar ka program pemansang dedat lalu tinggal empat iti agi. Asajaya disadang ngelanchar kena 28hb November 2009 lalu Betong kena 12hb Disember 2009. Kami mega nyadang Tatau enggau Kanowit ulih ngelancharka program tu sebedau Ridvan taun baru. Kami mega ngarapka semua klaster ti udah tulih ka pemenang ulih ngetan sereta ngenegap ka pengawa sida. Kena nulung sida ti apin ngelancharka program pemansang dedat, kami beguna ka tulung ari bala ti pindah pendiau. Enda semua kitai ulih pindah pendiau tang semua kitai bisi peluang nulung melanja orang pindah pendiau. Kitai beguna ka 30 iku bala pindah pendiau lalu tu beguna ka RM25,000 dikena nyukung pengawa sida pengelama setaun. Bala ti ulih nyukung pengawa pindah pendiau tau berandau enggau Ms Christina tauka Ms Mantan Abet tel: 082-252009 tauka masuk ka

(Besambung ba lambar 2)

“Kitai mesti baka tengkeching ai tauka lubang ke seruran muang ka diri ari semua ti dikembuan ia lalu seruran di isi baru ari pemansut ti enda dipeda.

Seruran meri awakka pulai ka pemanah mensia bukai lalu nadai tetanggul laban nangi ka penyeranta sereta bepanggai ba Bantu Pemansut ka semua pengaya enggau semua pemanah-tu meh jalai pengidup ti betul.”

(Shoghi Effendi)



“nyaut penalam
pengelengau setiap
ati deka berandau
enggau Penempa
Iya”

sida “ngepunka
pengawa serumpu
sambiang nitihka
gaya ba siti-siti
tempat,

berakup enggau
bala bukai dalam
sambiang,
ngenanika
pengingin
pengudus,

sereta nukuhka
pendiau pengidup
ti pegari ketegal
perangai ti angkun
besambiang.”

(Pesan Ridvan 2008)

(Ari lambar 1)

pemerikita terus ngagai Maybank A/C No: 011113403047.

Ka penudi Raban Gelumu Sambiang Bahá'í Ka Sarawak deka mulaika pengingat bala pangan ti udah besemaya lebu Aum Besai bulan Duabelas tu tadi. Enti kita beguna ka orang ti deka enggau ngereja pengawa, anang kakang ati minta tulung ari Raban Gelumu Sambiang Menua, Komite Pemansang Klaster (AGC) tauka Bahá'í Council Bengkah Menua (RBC) ti besemak enggau kita. Kami gaga ati kita udah teperansang angkat gawa. Tu meh peluang ti enda patut diseliah lebu pengawa majak diberekat lalu pengudus deka ngemenuh ka pengaga semengat nuan.

Enggau pengerindu Bahá'í
Raban Gelumu Sambiang Bahá'í ka Sarawak

Nyadi Bahá'í.

Menua Sarawak benasip bendar bedau lama ti udah nerima penemuai Counselor George Soraya kena 4hb-5th Julai. Iya bisi betemu enggau kaban Raban Gelumu Sambiang Menua Sarawak, kaban penyanding, kaban Sarawak Bahá'í Institute, Bahá'í Council Bengkah Menua Selatan enggau bala kaban ti ngarang Surat Gawai.

Leboh ti betemu enggau kaban bala pengarang dia iya bisi nanya “**Sapa bala ti Bahá'í? Lalu nama pengawa bala sida ti Bahá'í?**” Tu mega skeda ari tanya ti selalu dinga ari orang ti ukai Bahá'í, lalu saut bala enda kala sebaka. Aku berasai tesat baka anak ngot di tengah kampung tekenang ka sekeda pengawa ti udah nyadi lalu kati pengawa nya setipak enggau diri aku ti ngumbai diriempu Bahá'í. Counsellor George mega majak nanya ti balat endar ngasoh ati aku tesunga baka tanya tu: “**Nama utai olih, nama guna, nama pikir dalam ati kitai didalam din lebu kitai mai orang ngagai pengawa kitai?**”

Aku berunding baru leboh iya madah ka kami nama reti nama kebuah, nama guna kitai mai orang serumpu sambiang, klas anakmit, klas nemiakmit enggau belajar begulai.

(Besambung ba lambar 3)

(Ari lambar 2)

Dalam pesan Ridvan 2008 terang bendar madah nama kebuah kitai serumpu sambiang. Ia kebendar kitai Bahá'í nyaut penalam pengelengau setiap ati ti deka berandau enggau Penempa Iya” kitai “ngepunka pengawa serumpu sambiang nitihka gaya ba siti-siti tempat, berakup enggau bala bukai dalam sambiang, ngenanika penginein pengudus, sereta nukuhka pendiau pengidup ti pegari ketegal perangai ti angkun besambiang.

Nya alai tuju kitai tuchi, serta nadai minta balas, kitai semina deka ngemenuh ka penginein mensia ka pengudus semengat lalu nyerakup ka sida ngena sambiang enggau sampi.

Program nemiakmit di Miri

Reput ari Wong Huey Luu Miri:

Kena 12hb Julai 2009, grup nemiakmit ari Taman Tunku udah mujur bendar ngereja pengawa sida ti keterubah ianya project ba rumah siku Bahá'í ti benama Mr. Chin. Kami berengkah ngena sambiang. Pekekas kami diengkah ba teluk lebuah kami nganti Mr Chin madah ka pengawa ti patut dikereja kami. Sekeda diasuh nuchi kereta, bisi sekeda mantun rumput. Mayuh agi bala kami endang enda kala mantun rumput dulu ari tu. Uдах nya taja lelak kami puas ati laban Mrs Chin bisi nyamu kami enggau pemakai. Kami berasai gaga lalu bepikir kemaya agi kami bisi projek baru.

Kena 18hb Julai 2009 kami bisi keluar sama sama ke Taman Awam begulai enggau lebih kurang 20 iku orang besai tuai enggau nemiak. Kami bebai bekal lalu bekunsi enggau pangan diri. Sambiang enggau chanting kena kami brengkah, mayuh macham main mega bisi dipekunsika. Rindu enggau gaga diasai bala ti bisi enggau.

Kena 19hb Julai 2009 siti grup nemiakmit ari Taman Tunku bisi mega begulai enggau pangan ke Taman Awam. Bisi 13 iku bala kami enggau bala animator enggau bala apai indai. Kami mai bekal lalu mega bekunsi maya ngetu. Apin berengkah enggau macham main kami berengkah enggau sambiang dulu ti udah di sediaka Kai Ung, animator ka nemiakmit. Chukup puas ati meda sida bala rindu enggau gaga begulai enggau pangan diri. Kami arap ka jemah ila kami ulih begulai baru.



Beguna bendar ba nemiak Bahá'í ngelui ari nemiak bukai ngulihka penemu Sains enggau Arts, laban sida udah di wa dalam pengasih Petara. Utai ti ulih di pelajar ka nemiak bukai dalam setaun awak ka nemiak Bahá'í belajar ka dalam sebulan. Ati 'Abdu'l-Baha keran ka pengerindu nya, nemu nemiak Bahá'í, siku-siku enggau semua sida bukai tebilang di serata dunya ketegal pemandai ti ulih sida. Nadai utai di tanya, tang sida deka numpu ka pengeras sida, pengering sida, pengandal sida, dikena ngulihka penemu Sains enggau Arts.

-Abdu'l-Baha-

Ari Opis Tukang Wang

Raban Gelumu Sambiang Bansa bisi juluk ati deka ngulihka 1000 iku orang bejarit meri ngagai duit pan dalam timpuh Lumpar Pengawa 5 Taun tu. Penyampau orang siku-siku ti meri ngagai duit pan Bansa udah betambah ari 573 iku kena (13hb duabelas 2008) ngagai 611 iku kena (30hb enam 2009).

Menua Sarawak utara bisi rekod ti betambah. Tang, ari menua Sarawak tengah penyampau orang siku-siku ti meri agi ba tikas ti baruh.

Ari 611 orang siku-siku ti meri, semina 106 iku aja ti bejarit meri lalu ari pema-yuh sida nya lima puluh peratus nya ari Sarawak selatan.

“O kita pangan Petara, pechaya penuh ianya nganti pemeru tu, dagang kita, umai kita, enggau gudang kita deka diberekat belipat-lipat...”

“Sebarangsapa ti bisi ngereja siti pemanah, Petara deka meri iya sepuluh kali lipat. endang tetap ianya Tuhan ti idup mantu sereta netapka semengat ti nelap.”

-Abdu'l-Bahá-

Jaku Gerah:

Madahka Aum Bala Pengajar Sekula Bahá'í seluruh Sarawak deka diatur dalam kandang **bulan Sembilan** lalu ukai dalam bulan Lapan munyi ke dipadah dulu suba. Haribulan enggau tempat deka ditetapka dudi ila. Bala pangan dipinta nyendiaka diri datai lebu haribulan udah ditetapka.

Jaku gerah:

Klaster ti disadang ngelancharka Program Pemansang Dedat dalam taun 2009 ianya:

- **Asajaya** kena 28hb Sebelas 2009
- **Betong** kena 12hb Duabelas 2009